



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Hymni Ecclesiastici Novo Cultu Adornati**

**Clairé, Martin**

**Parisiis, 1676**

In Ascensione Domini.

**urn:nbn:de:hbz:466:1-12077**

Sed vita mortem subditam  
Suo sepulcro funerat.

Ne mortuum jam plangite;  
Suis revixit viribus:  
Sed suscitatum credite,  
Divis fidem præstantibus.

Ut sis perenne mentibus  
Paschale, JESU, gaudium;  
Da Christianis omnibus  
Veram salutem cordium.

Deo Patri cum Spiritu,  
Christoque laus in æthere,  
Qui gloriose transitu  
Victo triumphat funere. Amens.

## IN ASCENSIONE DOMINI.

### AD VESPERAS.

**S**ALUTIS humanæ sator,  
JESU, voluptas mentium,  
Orbis redempti conditor,  
Et casta lux amantium:  
Quâ victus indulgentiâ,  
Tuo luiti sanguine  
Quæ perpetramus noxia,  
Nostro reus pro crimine?

ECCLESIASTICI. 23.

Jam liberatis Patribus,  
Patet superna civitas;  
Cœli locanda sedibus  
Post te venit captivitas.

Hæc nos facit clementia  
Cordis sinus expandere,  
Tuaque dante gratiam  
Ad astra tecum scandere.

Tu causa nostræ gloriæ;  
Spes, meta, vita cordium;  
Fac nos tuæ victoriæ  
Haurire juge gaudium. Amen.

AD MATUTINUM.

R Ex sæculorum maxime,  
Mundi redemptor optime,  
Qui mortis ob victoriam  
Refers triumphi gloriam.

Decore splendens vulnerum,  
Transcendis orbes siderum,  
Divina quod fert dignitas,  
Junctæque carnis sanctitas.

Ut cuncta per te condita,  
Tibi, sibique reddita,  
Subjecta sanctis legibus,  
Tuis regantur nutibus.

Stupent videntes Angeli  
Sortem beatam sæculi;  
Peccat caro, mundat caro,  
Regnat Deus Verbum caro.

Sis, Christe, nostrum gaudium,  
Vitæ piæ stipendum,  
Mundana vincens gaudia,  
Quæ vera sunt dispendia.

Hinc te gementes poscimus;  
Ignoſce culpis omnibus;  
Fac nos superna quærere,  
Terrena cuncta spernere.

Ut cùm redibis omnium  
Judex supremus gentium,  
Pœnas remittas debitas,  
Reddas coronas perditas.

Jesu, tibi sit gloria  
Recepte cœli curiâ;  
Tibi, beata Trinitas,  
Virtus, honor, felicitas. Amen.



IN